

樓攻媿文集

二十三之二十五



攻媿先生文集卷第二十三

四明樓

鑰大防

外制

吏部尚書趙汝愚兼侍讀

教朕退朝之餘務學為急開通英之閣肆求經史之
遺言對無逸之圖慨念祖宗之美意正有資於勸
誦顧何憚於增員具官某秀出天支蚤收儒効檀間
平之譽又宣出藩入從之勞條晁董之言尤君憂國
愛君之意謹詮衡於選部實領袖於禁途朕惟歷代
編年之詳萃於通鑑之紀三朝致治之要列于寶訓
之書爾其因事進視盡忠無隱矧是宗盟之考首陪

經幄之游尚服異恩以稱公選可

寄資武功大夫幹辦御藥院陸彥瑞轉歸

吏部除帶御器械依舊幹辦太一宮

勅具官某爾給使官省謹而寡過肆還寓秩列之銓
選屬韃九陞仍護竹宮往哉惟欽毋替于舊可

武經郎趙不淹換太子右監門率府率

勅具官某國家宗支視古為盛然以屬近行尊得奉
朝請者亦鮮矣爾脩飭有素宗老薦其詳雅授以正
率日陪近班尚勉之哉以永終譽可

許從善循脩職郎

勅具官某爾以假吏往從使節茲登仕籍始得論賞

雖曰踰時亦不失勞矣可

從政郎邵武軍司理張令照降兩資放罷

勅具官某治獄之職惟公則平爾曲奉上官縱吏為
偽以陷人於深文臺評來上罰其可寔再鑄厥階歸
務循省可

修武郎前監紹興府東城酒庫馬鎰降兩

官

勅具官某爾職權酷驚擾田里憲臺按治器訟自解
削秩免官以正名分可

朝散大夫知邵武軍趙師造降兩官

勅具官某政平訟理郡太守之先務也爾按吏不審

乃諷脅理官偽為文記以傳致其罪彼罪雖得爾其
可佚罰乎禡秩二等以戒鍛鍊之吏可

從政郎賀正使書狀官俞南仲循兩資

勅具官某朝廷選修聘之使而使之自選其屬爾以
庠校之彥為之少從禮成而歸賞可後乎可

何謙常益并循修職郎

勅具官某集故事以成書儒館之職也爾隸西省亦
與有勞既登仕版仍進一階可

章益改
東省

朝散郎温州通判傅頤降一官放罷

勅具官某權貨之禁至為嚴密治中別駕實專掌之
爾職在是而不能戢吏卒之冒法豈惟閑防之弗嚴

抑見威令之無素削秩免官以懲不恪可

福州觀察使王抃父康贈武功大夫成州

團練使

勅朕肇裡南郊祇見上帝爰推霈澤以及萬方仕登
朝列皆得以及其親具官某故父具官某有子以廉
車告爾歸亦與此卹典尚其有知欽承休命可

寄資右武大夫遙郡防禦使 皇子嘉王

府都監韓世榮轉歸吏部在京宮觀

勅官躋橫列使領遙防是為右選之華用示內班之
寵具官某進謹赤墀之奉退祇朱卹之勞歷年寢多
以疾未諭俾隸名於銓部仍賦祿於貞祠尚服渙恩

以保終吉可

承節郎潘時美嫡母孔氏年九十一歲封

孺人

勅具官某嫡母孔氏比肆郊需推老老之恩爾年登九齡子為命士予之湯沐以為晚歲之華可

通奉大夫頭諱閣待制陳峴係辜潛心舉

主降一官

勅賢引其類固難保於終身稱匪其人亦何逃於定制具官某蚤登臚仕屢薦小官逮歷歲之既深有字民之無狀按章不審雖多刻吏之文具獄既成莫掩貪夫之跡孝孳舉將乃屬從臣以嘗過於需恩姑稍

鐫於命秩尚為寬典母有遐心可

嘉王府講尚書徹章官屬各轉一官承義

即中書舍人兼翊善黃裳

勅朕有元子教之以義方爾以名儒尊之以經術既聞百篇之奧可稽一秩之廢具官某造理精深處心夷曠出廷臣之右能介而通從吾兒之游最專且文博文約禮欲著乎心孝古驗今如指諸掌目乃天資之美加之孝力之優茲焉進官姑以示寵惟帝王之胄非務為章句之徒發經史之微尚益明事物之要既上紫垣之直仍先朱邸之僚進有賴於論思退尤資於講習其祗朕命式究爾心可

承議郎著作郎兼贊讀黃艾朝奉郎軍器

少監兼直講陳仕楚

勅具官某朕以 元子天資之良遴選賓友以輔導之惟爾艾爾士楚俱以儒英從吾兒游典謨訓誥誓命之文講貫既久以至終篇在爾賢勞何愛一秩其益暨乃僚秉乃心相與發明經史之要日計不足而歲有餘厥惟休哉可

知揚州錢之望復直寶文閣

勅具官某朕肇裡南郊爰肆霈澤士有一肯咸復厥初矧吾帥臣起臨邊闡日著聲績如爾之望者顧可後乎爾守襄陽煩言荐至稍鑄寓職于今二年因予

恭時之恩歸汝寶奎之直其祇寵渥益懋爾功可

成都府路第二將高師顏四 置使司奏

舉知黔州

勅具官某蜀道萬里士之負文武之才者朕何自而知之爾起將家歷戎職制使謂爾通練老成連帥又稱其沉毅通敏朕以二臣之言試爾以黔中之守爾能不負所舉則知所以報國矣可

泉州同安縣靈護廟神封威惠侯

勅具某神朕心虔民至矣吏治于明神職于幽苟利吾民雖遠必錄以爾神廟食海嶠又著靈跡却壘燧而張官軍招海賈而銷癘疫有司覈實具以上聞錫

爾嘉名歆予茂渥可

承真郎坑治司檢踏官將益降一資放罷
勅具官某因家置使江尤以總諸道之貨泉設屬支
郡以究山澤之遺利爾其屬也治工爭攘至相戕殺
爾實啓之劾章既聞其上一秩免所居官吏之不度
度乎知懲言可

修職郎臨安府昌化縣主簿趙善視降一
等放罷

勅具官某爾筮仕之初密在畿邑是何么膺敢爾
彼猖鑄秩免歸尚為輕典爾則自取將誰咎哉可

入內內侍省都知鄧從訓該奉上

高宗皇帝徽號冊寶轉協忠大夫依前
奉國軍承宣使

勅朕推尊 烈祖務極陰名寶冊之嚴式資辦護均
行賞典爾則先之具官某服在禁庭恪共衆職橫班
秩峻既兼留務之華 高廟禮成實在賢勞之首爰
加命秩用答爾勤可

倪思寺為係常良孫舉主各降一官禮部
侍郎倪思

勅人未易知其未已文士不自愛乃至如斯既駭予
聞致貽伊感具官某夙推清望遍歷華途比因繕監
之遷爰謹屬察之薦家既傳於清裁人亦謂其端

良俄隱慝之遽彰何貪心之已甚考尋舉將乃屬從
臣以其未脫於七階俾爾姑鐫於一秩勿以懲羹之
故而忘推轂之公可

中散大夫知通州章沖

勅具官某人之難知舊矣爾為南蘭陵以立曹為賢
而舉之閱歲既久乃以賄聞申舉將之罰不可廢也
其上一秩毋忘省循可

隆興府佳山孚應廟神封惠濟侯

勅具某神國家愛重爵賞非有功不俟人神一也以
爾神生而不求聞達以忠孝而化人沒而能著靈響
有功利以及物手植之槐猶在舟行之禱必答予之

好爵其尚歆承可

朝請郎致仕劉礎降一官

勅具官某朕視嶺海猶畿甸也爾守倉梧而部使者
謂爾加賦於民且曰遂祠請而未拜聞劾章而徑行
雖已掛冠豈容幸免姑鐫一秩以示薄懲可

從政郎錢迪降兩資候服闋日與遠小監

當

勅具官某細民以煮海為業私販冒禁或未能免爾
仕致邑令又方報喪使者廉按謂爾為逋逃之淵藪
何耶削去二階姑令終制朝祥暮貶其尚何辭可

寄資訓武郎

嘉王府都監朱思正轉

歸吏部在京宮觀

勅具官某服役內廷兼官王印克勤所職以疾丐閑
祿以內祠秩之吏過尚欽朕命以苦爾躬可

成鏞知黔州

勅具官某爾奮由武科屢更事任黔中雖遠委寄不
輕外控夷蠻地當一面命爾作守凡牧民固圉之事
尚勉之哉可

寄資武義大夫果州團練使 重華宮祇

候董友聞轉歸吏部

勅具官某爾職聯中禁使領遙團共事累年以疾求
退俾仍舊列往赴右銓益務檢身以候收用可

秉義郎閤門看班祇候韋琳報差錯降一官
勅具官某朝儀尚肅賓替尤嚴進退降登視以為節
抗聲失度時汝之辜爰削一階以懲不恪可

郭棟知瀘州

勅掌殿巖之武衛夙著勤勞分邊閩之顧憂茲煩填
撫曠予世將聽我訓詞具官某稟資沉雄馭下嚴整
出臨淮海嘗當一面之權入總貔貅久護千廬之密
北歸故里既歷累年惟時瀘川控彼蜀道靡有蠻夷
之外侮何期蠹賊之內訌狂卒稱兵衆無與者仇人
假手天實誅之顧平時謀帥之甚艱豈今且擇才之
可後疇堪予選食日汝諧爾其設方畧以靖驚疑示

寬大以安反側凶徒既殄無脅問從義士寔多當行
第賞綏爰有衆遂令境內之清坐折遐衝益致玉靈
之暢佇聞嘉績別議優恩可

文州靈惠豐安侯加封嘉應

勅具某神朕成民而致力于神陰平去都城萬里苟
有利於民亦不汝遺也增以嘉名用答靈既尚其歆
奉以惠遠祇可

文林郎保寧軍節度推官趙善謙降一資

放罷

勅具官某爾以宗子居大郡莫府不能自潔其身乃
與胥徒共為姦利償券焚曆欲益而彰鑄黜示懲尚

服寬典可

文林郎寧國府司理盛將之降一資

勅具官某獄事至重豈容小差爾職其閒乃爾失當
諒其非故姑示薄懲可

承信郎石疇父榮年九十五保義郎致仕

勅具官某父某比肆郊需推老老之恩爾年登九齡
子為命士授之武爵以為晚歲之華可

興化軍莆田縣順濟廟靈惠昭應崇福善

利夫人封靈惠妃

勅明神之祠率加以壽婦人之壽莫及於妃儻非靈
響之著聞安待息榮之特異具某神遠彙素飭廟食

愈彰居白湖而鎮鯨海之涓服朱衣而獲雞林之使
舟車所至香火日嚴告賜便蕃既極小君之寵禱祈
招荅遂超侯國之封仍靈惠之舊稱示褒崇之新渥
其祇朕命益利吾民可

朝請郎張柳為係舒光舉主降兩官

勅具官某人之難知舊矣爾持江東使者節以沁陽
郡博士為賢而舉之閱歲已久而乃以賄聞比申舉將
之罰惟爾在哀疚而未及既除喪矣其上二秩毋忘
省循可

遙郡刺史知和州某依舊武功大夫祈州

團練使

勅具官某將門出其說古矣紹興以來名将之後
人才不乏鮮有以將略世其家者爾起自西陲屬韃
九陞頃由選擇出守山陽雖邊塵不驚智勇無以自
見而首尾五載固圉有勞徒之大邦陞以遙團之秩
朕之知汝深矣勉趨功名毋忝爾祖可

寄資訓武郎韓果轉歸吏部在京宮觀

勅具官某服役禁庭屢更歲籥恪勤所職式閱其勞
祿以內祠秩之吏選尚欽朕命以善爾躬可

文林郎監太州鹽倉周大老降兩資

放罷

勅具官某鹽羨之盛莫如海陵積弊之深亦非一日

今帑中之藏至失十萬白發吏姦汝之職也詳究始末失職已多而又不能自別於貧貸之嫌再鑄厥官歸務循省可

朝奉郎知湖州烏程縣趙彥衛為鄉民訴水傷擁并死損八人降一官

勅具官某爾試邑輔郡能聲徹聞秋潦為災訴者輻湊光羸蹂躪至有死傷雖非閑防所及咎將誰歸其上一階服我寬典可

嘉王府講尚書徹章官屬諸邑祇應人各

轉一官資

內知客修武郎譙令擁秉義郎戴勳

勅具官某賢王務學講席徹章惟此百篇之書坐閱八年之文凡與職守咸進官聯爾起于諸生班在上罔祇事朱邸見謂恪恭渙恩所加勿謂故事尚勉思所以稱此者哉可

使臣忠訓郎姜文用孫昌祖忠翊郎姚思

正保義郎董致中徐松成允顯高珂指

揮從義郎馮涇王良講堂使臣秉義郎

蔣巨卿張克家講堂書寫文字進武校

尉張桔承受所手分承信郎野良嗣承

受下主管文字忠翊郎適興祖客思成

忠郎傅昌世前都監訓武郎朱思正

醫官成全大夫陳世安翰林醫候李之
美成全即陳翊

勅具官某等王師談經閱歲滋久凡日執事咸進厥
官往其欽承益務恭恪可

秉義郎楊忠輔換太史局丞權同知筭造
勅具官某周之馮相氏保章氏皆以中士為之星曆
之李為士者可不務乎爾遂於曆徹于朕聽目其所
長俾二局事推步日月星辰之行以稱朕欽天授時
之意爾尚勉哉可

殿前指揮使行門長行左班楊坦劉選李
瑞刑啟沈明黃毅杜春吳珪蔡頭右班

王佐邊寧李鈞孫彬陳瑀曹換王浹黃
義陳珪換武翼郎添差諸州駐泊兵馬
都監

勅具官某等行在所猛士如林又擇其雄毅之尤者
列在人門為予爪牙歷歲既久親越挽強之技超授
武爵護戎方州錫之袍帶以寵爾行毋忘衛上之忠
益習近民之事尚勉之哉可

殿前指揮使守闕行門長行左班許坦聶
崇明澤孫伸右班盛俊吳倫郭錫換從
義郎

勅具官某爾等以拳勇選密侍宸居有年于茲矣親

閱其藝視高下而賦之爵尚勉之哉毋怠於事可

神騎嵌補副指揮使姜勝換秉義郎宣武
嵌補指揮使徐成換從義郎天武下利

副指揮使呂俊換修武郎

勅具官某爾等蚤以武勇備予羽衛閱歲既久而挽強
之力不衰授爵有差往親民事益務忠恪以稱所蒙
可

趙介循從事郎

勅具官某爾以刀筆為冊府之吏周旋四庫其職清
矣又以奏篇之賞疊進資級其思所以稱此者哉可
入內內侍省都知鄧從訓轉履正大夫依

前奉國軍承宣使餘如故

勅總禁廷之務文矣宣勞居橫列之班茲焉進秩具
官某持身克謹遇事惟勤出入宮闈習見累朝之故
實侵尋歲月兼提衆職之綱條爰因酒之止修更陟
武階之峻勿云近比思稱優恩

蕭鵬已奏孫秉義郎存德乞將磨勘轉官

回授母淑人耶律氏封郡夫人

勅具官之封率從於夫爵小君之號茲越於郡妾某
人蚤嬪名將之家同慕中華之義兩朝示寵名已著
於鳩桑一子馳恩榮特頒於鵠誥往服朕命益宜爾
家可

朝奉大夫錢之望奉使回程轉一官

勅具官某比遣使華往修鄰好聞其扶疾慮有關事見大夫非無可使恐不及期以爾志存許國才足應變輟自邊閫俾將予指聞命引道禮成未歸進之一秩姑以勞還俟訖外庸嗣有褒擢可

武翼大夫楊大節奉使回程轉官

勅具官某朕歲遣使華往修鄰好必選上介以輔其行爾以扈衛之臣為行人之副中途易節調護無虧准爾之能應予之賞俾增命秩其尚欽承可

奉使官屬文林郎陳元震從事郎譙令憲

迪功郎錢廷玉忠訓郎部師孟忠翊郎

黃允迪訓武郎李邦安忠翊郎楊祖烈

吳良弼趙進承節郎張達符溥從義郎

何洵保義郎金彥達進武副尉王冲各

轉一官

勅具官某歲遣信使修好鄰邦凡為假吏之行舉有優恩之及用酬勞勩毋替忠勤可

武功大夫和州防禦使殿副都指揮使郭

杲落階官

勅總千廬之衛又護戎昭攸一札之恩用申褒律具官某器資沉鷲謀略惟深飭邊備於上游坐銷外侮肅軍容於中壘允藉壯猶朕慨宿將之無多眷故家

之可用繫爾昆弟為予爪牙茲徹武階俾專使領庸
示等威之峻式貽名器之公其服深榮尚圖忠報可

閣門祇候訓武郎李彥機從義郎李剛秉

義郎楊應龍應奉人使到闕一十番各轉

一官

勅具官某等信使未庭掌在上閣貢替之職不容毫
釐之差祇事累年積勞可賞之進一秩益務恪恭可

從事郎成州天水縣令韓廷圭降兩資

勅具官某邊臣無小大皆以忠實為先爾以送囚受
罰笑而又為欺荐削一階用戒未者可

皇叔祖士峴男太子右監門率府率不悛

轉一官

勅具官某國家以十階待近屬必十載而後一進其
選嚴矣惟我宗老行尊年高爰寵其子躡等而授雖
曰近比實惟異恩可

忠翊郎李孝沘落階官閣門宣替舍人

勅具官某爾以名將諸孫中宮兄子不患不致富貴
顧所以將之者如何耳頃呈吏議亦既累年察之益
詳亮自循省賓贊之職用以命汝念之哉知復玷缺
之難難則知所以保其身矣可

故責授安遠軍節度行軍司馬詹儀之追

復中大夫

勅具官某朝廷念廣西鹽筴之弊因爾建議使行其
言非徒無益而又害之爾既知其不可而不能自己
何也解絃更張事始少定褫官置散以謝遠民而爾
亦亡矣爾豈欲害民者徒以秣於不遠復之義而致
此亮其本心追復舊秩能体此意尚為有知可

太中大夫參知正事胡晉臣提舉修壽皇

會要并禮儀使轉一官

勅朕寅紹丕圖推尊慈極纂修帝制尤嚴於五載之
餘登奉寶儲遂全此一王之法惟時近弼兼總宏摹
矧相禮以備成豈疇庸之可後具官某該通而知務
端靜而善謀頃上禁途居然有公輔之望迨并宥府

足以致朝廷之尊俾參豫於政機益茂明於國體緝
成大典允藉宗工誕舉縟儀更資使範以侈重華
之盛以彰疊矩之傳爰序進於崇階尚勉泛於遜牘
增培采食仍衍貞畬噫鋪張闋休實贊我顯親之志
奉行故事尚暨而致主之心往復訓辭以綏寵渥可

從事郎趙彥適收使射中減磨勘循一資

勅具官某國家選士於廷又命以射爾以宗支之秀
既擢儒科能游於藝且應賞格何愛一階以示勸獎可

從事郎王堯佐前任復州司理載鐵錢入

銅錢界筭請鹽鈔降一資

勅具官某冒利犯禁齊民則有之爾為獄掾乃敢以

身而試法稍鑄命秩猶為寬息可

朝請郎尉聞詩前知永康軍拖欠綱運降

兩官

勅具官某朕崇儉示朴未嘗加賦於郡邑然軍餉則不容闕也永康雖小賦入有度及爾為之闕供甚矣鑄玄二秩以勸其餘而猶不奪爾合江之符以不得罪於民也其務足用勿以懲羨而取盈焉可

朝散大夫知明州高夔為提刑陳倚申屬

雄公事不自陳避嫌降一官與郡

勅具官某爾以選擇屢典大藩四明富民之訟使能俟屬邑之公行聽憲臺之移獄則晏然無事矣部使

者謂爾不能引嫌疑有未盡鑄官一寺易地邊方汝往哉其思有以靜鎮之可

朝散大夫國子博士徐堯上殿墜笏降官

勅具官某爾以老書生獻歲于朝此意勤矣朝儀貴肅乃爾失度雖欲宥過不應但已稍鑄命秩以儆廷紳可

寄資石武大夫遙郡團練使符滌降兩官

放罷

勅洒掃是取專務盡恭過愆有聞豈應後恕具官某久以勤敏祇事禁嚴當克謹於官箴乃自貽於罪罟命鑄橫列尚畀送團罷歸銓部之班頭示貂璫之

戒可

內侍高品李元美降忠翊郎放罷

勅具官某禁廷貴肅三尺尤嚴爾敢其聞而越法度
削官二等尚為寬恩可

閣門祇候潘璿落看班

勅具官某爾祇事昕朝再更歲齋稽之故實盍正官
稱益務恪恭毋怠於文可

皇后親嫂碩人許氏特封郡夫人

勅命婦之封盍泛於夫爵小君之號茲出於上恩故
某官妻許氏蚤嬪將家今為后族庶車既往莫諧偕
老之宜戚闈方興實號懿親之長屬棉衣之歸謁分

石窳以疏封尚惟法度之循以對寵光之渥可

直敷文閣史弥正為高鑾奏屬雄公事落
職罷宮觀

勅具官某爾奉祠就養宜然與於公府知篤護學之
好而忘爪李之嫌事發相宜遂徹朕听收还延閣之
直仍罷祠宮之官尚其省循予不汝棄可

侍御史林大中直寶文閣知寧國府

勅具官某朕惟天子耳目之官與夫言語侍從之臣
皆極天下選豈應輕去然進退之際君子之大致存
焉朕亦欲有以全之爾以清德雅望周璇三浣有年
矣憂國之忠匪躬之節論事有体義形於色臺綱斯

振物論浩然擢貳銓衡所冀獻納之益而抗章自列
引義不回宣城大邦實 慈皇初潛之地寓直寶奎
以寵爾行牧御之方無侯多訓勿以在外而忘若猶
政成來歸副我虛佇可

知漳州鄧駟江東提刑

勅具官某入而居獻替之選出而任澄按之寄皆朕
耳目之官也以爾端靖有守雅望甚沐擢在諫垣出
鎮南服江左祥刑之重肆以命汝豈惟引以寢近為
爾之寵抑使列城之人知朝廷垂意臬事至遣諫官
以臨之書不云乎好生之德洽于民心朕將庶幾焉
可

知廬州許及之大理少卿

勅具官某朕承 累聖仁厚之余雖罔敢垂于庶獄
而明罰勅法求惟厥中乃者播告之修孚于中外矣
爾以諫省之舊知予德意而敏明詳練無施不宜召
自邊閩用為廷尉之貳昔張釋之使天下無寃民于
定國為之民自以為不寃汝往哉其為朕持天下之
平且以行汝李道慶人之志可

大理評事李珏再任

勅具官某廷尉之屬非明於文法不以輕授非遲以
歲月不能通貫也爾以名家子疋取既久以其自列
爰俾因任尚圖來效勿替厥初可

故太傅蒲察文安女碩人乞用父遺表恩

澤封郡夫人

勅命婦之封蓋後無夫爵小君之號茲出於君恩某
官女碩人蒲察氏生長北方未歸王國謂父无即世
惟一身之僅存而恩渥自天曾累歲而未請乃叩九
閭之邃願加列郡之祿亮其忱衷矧有近比特疏予
寵用慰爾心可

忠訓郎興州遊奕軍權統領常崇轉一官

勅具官某朕周知中外將士之才間使來前用閱其
實不以遠近為間也爾來自西陲人物可採何愛一
秩以寵爾歸益習戎韜以俟有用可

殿前司神勇軍統制訓武郎劉肇步軍司

左統制修武郎姚旦總轄牧放倒斃數

少各轉一官

勅具官某等歲分遣諸軍牧于浙右寬閒之鄉惟統
御有方芻秣以時歸而閱實生全者衆進之一秩以
為未者之勸可

高夔知廬州

勅具官某爾頃守合肥嘗移之內郡近守四明又易
以邊方乃自制司復分帥闡蓋以爾習熟淮甸有志
事功故因以遷焉內有以固吾圍外有以宣王靈爾
尚勉之哉可

朝奉大夫新知昌州程仲虎為虧發官錢
降一官與閒慢差遣

勅具官某朕崇儉示朴未嘗加賦於郡邑然軍餉則
不容闕也廣安雖小賦入有度及爾為之闕供甚矣
姑鑄一秩以為罷軟之戒可

皇弟右監門衛大將軍某州刺史多能多

助收使父居中遺表各轉送郡團練使
勅具官某等朕親睦九族務從優恩而十階之建則
謹守舊制未嘗私也以爾父嘗建節旄不及中壽貴
奏之澤未請於朝俾爾昆弟俱領遙團之任朕之於
爾厚矣尚惟恪恭以綏寵祿可

林鏢閣門舍人

勅具官某爾以文武科首遊宦取上閣有年矣銜恤
告歸克喪入見俾還舊班益務恭恪可

中大夫知寧國府蔣繼周磨勘轉官

勅擁千里之麾方著民庸之茂考三載之績尚伸吏
課之公具官某被眷 慈皇進班言路以中執法之
舊為東諸侯之尊政最有聞尚有稽於褒表封章未
上何屢請於歸休茲以年勞應于銓法爰峻文階之
秩遂登從橐之聯大異庶工徃祗茂渥可

知廣州岳霖敷文閣待制致仕

勅帥閩有嚴方任顧憂之寄橐封何遽未騰告老之

章蘄爾疾之寔深撫予衷而甚戚具官某秉心端亮
遇事詳明少歷艱勤養成畏謹之性晚更事任率有循
良之稱念方虎之舊勳擢嚴吾之近侍一辭軒陛海閱
歲時起分嶺表之麾俄感潭濱之疾宦游南海曾無
煖席之淹次對西清用爾掛冠之寵尚期自厚以冀
有瘳可

岳霖贈四官

勅掛冠有請方懸次對之班易箚可哀宜厚飾終之
典云胡弗淑而至於斯具官某出自勳門動遵士檢
攬轡登車之寄夙著賢勞簪筆持橐之除實由親
擢分五羊而作牧擁駟馬以啓行何恙之深此生遂已念
世臣之無幾愴長夜之不晨忍聞垂絕之言寧愛不
賢之寵躡四階而進秩按三尺以疏思用大爾家度
將予意可

知贑州趙彥探知廣州

勅具官某爾頃為列卿攝民曹領京邑以才諳稱今
二十年矣屢試劇郡政最卓然南海巨屏實控百粵
去朝廷遠委任尤重章貢壤地相接不惟通知風俗之
宜南方亦久聞爾之名矣奉以命爾其為朕綏編毗
撫壘使嶺海之間不異畿甸庶有以副朕不忘遠之
意可

知靜江府趙思集英殿修撰提舉江州太平

興國宮

勅具官某朕擇才身而用謀師尤難廣右去朝廷遠二十五州綿地甚廣爾以甘泉舊臣起家作牧而兩載之間內外晏然治行可睹矣方圖爾功而以疾詭巧閑甚力何耶均逸祠庭遂爾賦歸之志陞華論議示予薦舊之恩尚勉壯猶毋忘忠報可

攻媿先生文集卷第二十三

攻媿先生文集卷第二十四

外制

給事中尤袤禮部尚書

四明樓

鑰大防

勅官建儀曹俾司禮樂制作之事朕專宗伯當用朝廷老成之人閱一時侍從之臣極三朝髦俊之選求之公論僉曰汝階具官某孝極群書才兼數器被眷知於慈宸參察案於儲官出入累年始終一節禁路論思之益有衆人之所難瑣圍封駁之章至三進而未已積茲德望處以文昌職務雖清實總夷變之任謀猷可告尚殫稷契之忠可

中書舍人黃裳給事中

勅朕惟舜命龍出納朕命而名官以納言蓋人君之命不難於出而望其能納也瑱闥之職為朝廷喉衿古誼昭然尤當遴擇具官某天資直諒努力粹深處之王邸則有講導之益擢之詞掖則推潤色之工是用受爾以封駁之任非以序而遷也事有不可爾則盡言言而可從朕不吝改惟能知舜所以名官之意則能體朕所以命爾者矣可

太常丞章穎軍器少監

勅具官某爾以倫魁之彥端諒有聞進丞容臺與賦史筆王邸講誦之益天官鈐綜之公惟時名流兼此教器俾貳戎監是日序遷萃之彖日除戎器戒不虞天此亦急務尚勉之哉可

吏部員外郎汪義端監察御史

勅具官某朕選任臺端增置諫列惟六察之分取非一人之可為泛觀在廷識擢自我以爾蚤先衆俊屢試長才風儀凜然有御史之望聲譽籍甚乃故臣之家俾踐世官往贊而長屢更劇郡尚何吝邑之拘輟自名曹庸示簡僚之重其祇朕命往振臺綱可

右正言胡瑒左司諫

勅具官某朕擢卿諫省亦既再歲端靖有守論事加詳益聞古者有爭臣七人爾獨賢勞念之久矣增置

諫列俾正左虛之位其益究乃心暨乃僚相與補拾
闕遺以輔不遠俾朕導諫之風有聞於世亦惟沐哉
可

監察御史何異右正言

勅具官某臺諫之選俱為甚重而職務自有不同臺
臣當糾官邪而諫省專裨主闕爾為六察亦既年餘
屢進封章凜有風采今予授以拾遺之職滋嚮用矣
以我豸之風夙造鄰之益則朕有聽言之美爾而亦
無媿於古爭臣矣可

大理評事王補之大理寺丞

勅具官某爾家傳文法久任廷評遂為同列之首

賢勞著矣丞貳之職命爾遷焉罪疑惟輕繫古之訓
移情就法尚戒於茲可

寶文閣直學士程大昌龍圖閣直學士提

舉南京鴻慶宮

勅朕收覽群才緬懷耆德矧東宮賓友之舊游泛琳
館之游冠西清李士之班爰峻河圖之直具官某才
高而能下氣勁而用沖幼李壯行曾不渝於一節出
藩入從實有聞於三朝退食自如著書不輟仰天觀
象窮羲經八卦之文畫地成圖洞禹貢九州之域茲
維廓人之粟益高延閣之名故國有世臣尚賴典刑
之重乃心在王室毋忘獻告之忠可

皇伯嗣秀王伯圭故妻秦国夫人宋氏追封两国夫人

勅伯父行尊已極三公之貴夫人德配盍疏二国之封雖不待於生榮顧可稽於郵典具封某起由戚閑歸我宗英動惟圖史之遵居有珩璜之飾少同甘苦與能家人而忘貧晚被寵光固宜君子之偕老云胡不淑弗永其年賜湯沐之大邦既屢頒於翟第兼公侯之兩社爰特昇於審章以伸伉儷之情以厚函冥之渥尚惟精爽式克欽承可

御史臺檢法官李謙太常丞主簿彭龜

年司農寺丞

元係林大中辟差大中與郎張叔椿再郎辭先

勅具官某等爾謙篤信好孝表裏無玷爾龜年剛毅近仁氣節有聞又皆憂深思遠有奉愛君之心御史選也大中之辭叔椿之番豈其私哉而引義慨然若不可一朝居者朕既不汝捨而高爵非所以晉之也容臺農扈分以命汝丞哉丞哉其少安之以俟選擇可

都官員外郎趙謚戶部員外郎主簿左曹

勅具官某爾祖父以直道佐中興配饗高廟子孫者在仕版以次拔用今位于朝惟爾一人外奏筠陽之課內為秋官之屬恂恂自守尚有家風遷實左民毋懈于位可

趙思璵知德慶府

勅具官某海康雖遠以高廟潛藩而增重選係不輕也爾以宗支之秀資歷履高往撫是邦毋忽民事可

都大提點坑冶鑄錢耿延年兩浙轉運判

官

勅具官某部使者分行諸道在外則鍾官總貨泉之重在內則畿漕任飛輓之繁皆遴選也爾長於心計別歷已深新安之政具小植僵徹於予聽戲鑄以佐用度又優為之計臺虛位亟以命汝式端其端以副朕為官擇人之意可

陳揚善知光州

勅具官某浮光舊為內郡今實並邊牧民之任不輕畀也以爾當守輔邦見稱辦治自去郎省家食有年茲庸授以左符往臨邊徼撫民以寬處事以靜其庶幾乎古之折衝者矣可

知湖州趙不迹都大提點坑冶鑄錢

勅具官某爾秀出宗支以才自奮三試劇郡辦治有聞惟時鍾官完山澤之利具鼓鑄之饒以佐國用非心計優長風力強敏之士不足以當之輟自吳興俾趨臺治檢榷吏姦導源匪亟匪徐惟正之供則爾之耿舉矣可

知平江府沈揆司農卿

勅具官某朕臨御丕圖求賢如渴儲闈察案選用無遺蓋舉予所知非止篤舊故之思也爾以儒學奮身周旋清貫詞藻之發追配前良肆朕纂承之初最先收召出守劇郡試之益詳矣漢二千石有治理效公卿缺則選諸所表朱邑由北海入為大司農則其事也朕之待汝豈惟掌周稷之事哉往祗厥官嗣有襄陟可

呂大麟知常德州

勅具官某本朝衣冠之族爵位相望文獻不墜未有盛於呂氏者也至于今日仕者寔寡慨然念之起

爾于家以爾素守家法好孝不衰宰郡有循良之稱在朝謹靖共之守去國既久退然自安武陵湖右奧區外控五溪之徼思得賢牧以填安之故舉以命爾爾尚勉哉能大其家則為板國可

左丞相留正初除少保封贈

曾祖贈太師擢卿追封英國公

勅朕任相甚專虛己以聽累奏篇之賞盡膺八命之崇覽遜績之勤始進三孤之重乃循故事加貴曾門具官某生為善人世載隱德傳芳中古繇王國大夫之有聞席慶華宗去清源節度之未遠惟躬行無媿於函頭故家聲大啓於孫曾是生名儒致位上宰閔

書屢錫已登極品之官公社肇開爰昨真陽之士尚
惟精爽歆此寵靈可

曾祖母周国夫人藥氏贈周国夫人

勅士有奮身而仕至元臣推恩而壽及曾祖嘗迹所
自必有其原豈惟奕世之賢仍多中饋之助夫或加
寵婦則泛之具封某以柔淑之資嬪儒素之族積功
累行雖有良人之賢必順安時宜偕君子之老比及
後裔是生上台封既至於小君寵仍疏於大國不改
周南之舊用配留侯之祧其祇異恩以利後嗣可

祖贈太師沂国公寔追封福国公

勅德雖著州鄉而弗顯於朝廷身不及富貴而乃

施乎子孫此古人敢以自必而天報昭然不誣我有
宗工思逮顯祖具官某坦坦幽人之履恂恂長者之
風惟先世以未有功於国故余慶所及遂肥其家果
見聞孫進登孤保屢頒霈澤貴極師垣乃更沂水之
舊封仍祚閭山之鄉国九京未泯百世不忘可

祖母楚国夫人洪氏贈商国夫人

勅妙道之修相夫以順家法之懿至孫而興雖寵榮
不及於生前而恩渥屢加於身後具封某以幽閒之
操崇節儉之風夫婦俱賢盖非一日之積室家流慶
遂見百年之餘賜湯沐於南荆易封沂於上路以顯
滂泉之澤以慰含飴之思可

父贈太師衛國公鑄追封魏國公

勅朕惟東周大夫留氏號稱世賢子國子嗟之父也
俱不見用詩人惜之此丘中有麻所由作也朕之用
賢則異於是其官某世有潛德生為醇儒雖富貴不
在其身而善慶乃積於後惟我碩輔東國之均尊顯
其親貴極人臣斯教忠之效也既昨武公之士復更
畢萬之封父子之賢於是俱顯視東周之留為盛矣
死而不忘其尚知歆可

前母燕國夫人鄭氏贈齊國夫人母秦國

夫人劉氏贈魏國夫人

勅婦爵從夫已極小君之號母貴以子荐更大國之

封具封某迪德靜專處家約素相夫以礼躬孟光舉
案之勤教子能賢慕軻母擇鄰之訓相予初正致位
上台秩既進於三孤貴遂登於累葉表茲間範用配
橘宮改北國之舊圻畀東藩之新邑劉氏改四塞之舊邑
邦界大名之新邑申
加閱冊增貴宗祧可

故妻魏國夫人徐氏贈秦國夫人

勅朕寵任大臣躋榮孤保壽既加於祖禰恩又及其
閨門具封某生有令姿居循內則知巨源之識度相
待如賓勉仲卿以徽印及見其貴雖隔幽冥之際仍
深伉儷之情夏篆通旌顯漢相元勳之重魚軒象
駮開秦川大國之封九泉有知千載無憾可

大理卿王尚之直龍圖閣知平江府

勅具官某吳門地大物阜隱然東南一都會也爾生長淞又固已習知其風俗又嘗持節臨之聲聞藹然至今未忘矧明練憲章飾以儒術再長廷尉滋嚮用矣抗章求外自詭治民為爾相攸無踰於此界以義圖之直用寵爾行豈惟不減昔人畫繡之榮吏民間之不戒以字足以寬吾顧憂矣可

浙東提刑陳倚除大理卿

勅具官某國家以臬事付廷尉而立制視古為詳治獄者無與於定法斷刑者不使之鞠囚而卿實總之選顧不重哉爾習於憲章而操心近厚由廷評而上

至於為長踐別有年矣綰建寧之符持淞東之節又皆有稱焉肆疇已試還爾舊物囹圄屢空病未能也爾能尽心使刑獄號為平則庶幾乎古矣可

知雅州宋南強知金州

勅具官某金城外控邊陲內連巴蜀有民有兵號為价藩延燔之餘正須長才以任郡寄擇人於內豈曰無之臨遣而行慮不及事疇咨西南之守就以廷為以爾有志事功敏於治政其解蒙山之組往撫漢陰之民此而有聞朕將用汝可

木待問知湖州

勅具官某儒科首選宦達相望儲禁舊寮收用略

盡 慈皇初開南省爾則為多士之先沖人頃居東
宮爾則任端尹之寄而十年以來欲仕輒已朕嘗念
之惟近臣為明當塗之誣浮議遂定吳吳劇郡視
古左馮衆所憚為舉以試汝勿以多言為畏倚需最
課之聞高壽美官豈於汝吝可

費培大理評事

勅具官某李官選屬必先試以文法然對有司之問
者易為工察庶獄之情者難於尽爾為廷評其以昔
之所習見於詳讞之際遇事加勉增益其所未至不
倦以終之則為稱職可

福建提刑辛弃疾太府卿

勅具官某爾蚤以才智受知慈宸盤根錯節不勞餘
刃中更閑退老以其才養邁往之氣日趨於平海精
察之明務歸於恕朕則得今日之用焉召浚閩部長
我外府夫氣愈養則全明愈晦則先於以見之事故
孰能禦之哉可

顏師魯知泉州

勅均佚真祠遂彭澤賦物之志起臨舊鎮慰穎川願
借之心匪曰朕私徒得君重既去家之不遠俾便道
以有行具官某李茂儒先朝推壽俊慨孔幾之去命
典外藩念陽城之勞許還故里而遠毗懷其惠政賈
胡昉其真清攀轅莫留垂涕相踵此誠心之所感非

人力之能為既徹聽聞重增嘉嘆方遴選惟良之守
要先求已試之才追常衮之遺風當一變於閩俗用
蔡襄之故事宜再領於泉麾式逆其驅以副所望可

新寧國府林大中知贛州

勅具官某章貢居江右上流控楚粵之要民倍果悍
可以義服不可以力勝也非清德雅量練達世務者
不在師帥之選爾以不群之資為有用之宰治縣如
古循吏入朝為才御史彈劾不避於權要論議率中
於事機橫榻之風振于一時朕既分爾以宛陵之符念
其家食易鎮茲地先聲所臨百吏望風撫予南邦以寬
憂顧朕豈汝忘哉可

廣東轉運判官黃掄再任

勅具官某朕分遣諫官御史使行諸道以廉察列郡
之吏知予德意多稱其取爾以端諒之資選在諫省
去國未幾使于嶠南善最有聞俾之因任既以慰斯
民願借番之意又以見朝廷不忘逮之仁毋替厥初
嗣有褒寵可

宮人王安轉邸夫人

勅朕謹乃儉得固無漁色之私選于後宮亦若審官
之遴宮人某稟資婉嫕祇事靜專被樛木之恩蚤與
內廷之御承小星之惠躡升名邸之封其益習於壺
鬯庶克綏於寵數可

直龍圖閣知顏州楊萬里松閣修撰提舉隆興府王隆萬壽宮

勅具官某朝廷之於賢者用而尽其才上也用未及而勇退寵其歸而全其高次也上焉者朕之本心次焉者非得已也爾以清節推道冠冕一時高文大篇追配古作出入中外聞望日休計臺巧歸俾守章貢古郡卧治庶以優賢抗章自列欲留不可昇真祠之佚升論譏之雖詩不云子雖無老成人尚有典刑朕不汝忘也可

秘書丞陳損之淮東提舉

勅具官某常平使者之任重矣淮東鹽筴甲天下視他路尤重貨泉所聚出入萬計調度低昂在一路

部使者事又重焉爾起西蜀既然有志於當世通練閭敏遇事風生周旋清塗文攝宰掾彌綸省闈備著賢勞視其官可以知其才矣頃護使客往未准壻歸論利病如示諸掌茲因求外選而用汝勉哉思所以稱任使之意可

起居舍人陳傅良經進 壽皇聖政轉

一官

勅具官某朕惟 壽皇在御務行聖人之政二十有八年傳祚非躬懼弗克堪既已申飾史臣謹以事繁日之書又撮其大端可以為法於萬世者別無一經遺儼二典真我家之盛事也爾以一代名儒晚登郎

省親擢道山付以史事奏篇未上奉之慈極泛容
進讀冠佩儼然茲為論賞益先於衆命增一秩以示優者
之殊尚惟欽哉可

浙東提舉陳祀本路提刑准東提舉衛
涇浙東提舉

勅具官某等浙東部刺史萃于會稽密邇行都視
它部為重祀以辦治之才為常平使者就畀臬事
任益高矣涇以倫魁之彥領淮甸鹽筴改授蕩節地
益近矣其各揚乃取使刑罰無冤公私兼足以副朕選
掄之意可

武翼郎左翼軍統制韓俊供取滿十年轉

一官 修武郎馬軍行司選
鋒軍統制本字有同

勅具官某爾出自禁旅護我泉南既歷十年內外靖
謐雖功名無事以見自賢勞著矣俾循故實序進爾
階益習韜鈴以俟選用可 李郁改泉
南為陪都

參知政事胡晉臣知樞密院事

勅朕纂承丕緒圖任舊人一日萬幾之繁既又勤於俾
贊三軍五兵之本茲益厚子於倚毗乃播綸言式彰枋
用具官某氣全剛大識造精微以端靖結 慈皇之
知以忠純為初政之輔同心同德人孰知房杜之功嘉
謀嘉猷日惟陳堯舜之道居宜鎮於雅俗動有助
於沈機察其所安任以不二別一登於政地凡三入

於樞廷諒憲度之愈明昇事權而增重噫予欲務
孝宣之周密以起治功爾其慕子房之從容用符眷
意顧惟宿望奚俟多辭可

同知樞密院事陳騏參知政事

勅贊本矣於右府方籍壯猶圖共政於通聯尤資宿
望我有明命告于具寮具官某季探聖原才周世務
立朝蹇蹇諤素為君子之儒處事精詳居有大臣之
体升之常伯擢在機廷陳告右之謀猷簡而望切
贊基命之宥密靜以無華雅量鎮浮不改其度正
身率下敢干以私曾不俟於暮年俾進陪於大政
國以永賴人無異詞噫謨明弼諧朕有望股肱之

助任重道遠爾其推復心之中永孚于休以副所屬
可

吏部尚書趙汝愚同知樞密院事

勅西漢以同姓疏封不在公卿之位東平以至親輔
政厥由聲望之隆惟我本廟尤厚皇族始則優加祿
爵曾弗任於外廷後雖並用親賢亦無踰於法從茲
開宥府蓋得宗英具官某派出天潢望高國器蚤隨
寒雋首冠於儒科出任藩宣又臨於蜀郡侍經席惺
選士貢闈皆故事之所無在爾身而兼備爰以樞機
之寄托之肺附之親必有若人乃堪大任匪固私於
異渥將深慰於公言噫開國以未有今日非常之

舉本兵至重當展平生有用之才以增磐石之光以壯維城之勢可

刑部郎中沈樞度支郎中

勅具官某爾生長相門明習文法為郎憲部恪守三尺司度之職凡軍國之用會其入出以周知經費之數欲得清謹之士為之固以爾遷焉勿以郎潛為淹思所以稱其職者可

太府寺丞沈作賓刑部郎官

勅具官某郎官必由宰郡而除憲部必以明法而授行之舊矣爾出名閥通習憲章文歷廷尉之屬宜在茲選向守丹丘曾不煖席而去郡之日遽道借留其

必有以得此者再入修門奉資外府而後遷焉朕之用爾審矣惟及乃心以稱斯舉可

右司員外郎應孟明左司吏部員外郎徐

誼右司

勅具官某等宰掾非它官比也調護闕失皆天下事非有才識可以為守文應變之助者疇克為之爾孟明介然有守練達民事爾誼能為可用通貫治體一以序遷一以選授朕方委政於二三大臣惟爾分任其勞使大臣得以綱紀庶務助朕求賢以起治功豈小補之哉可

度之員外郎王厚之直祕閣兩浙路轉運

勅具官某朕惟轉輸之任莫重於畿內祇承慈訓率
用士人比年以來多稱其取爾庠校諸生故家人物
好古博雅風裁素高克勤小物而知大体頃使淮西
聲望籍甚為郎名曹侃然有守还畀道山之直蕪按
荆河之間飛輓以時而用不之調度有經而民不病
表率知道尚其勉哉可

監都進奏院朱致民大理司直

勅具官某詩云彼其之子邦之司直國家明謹用刑
遂以名李官之屬近復定制審閱奏當尤不可以輕
授也爾以儒孝自奮而宰邑丞郡循良有稱入班

于朝靖共爾位選以命汝往哉惟欽可

司農寺丞彭龜年祕書郎

勅具官某朝列多士皆以賢選雖不以日月為功要必
使宿其業爾丞大農屬耳茲又命典中祕書朕不以
為煩人亦無得而言以爾之才望有以當此也道山群
玉之府涵養天下英才異時臺閣高選於此何取乎
止讀未見之書而已哉可

中書門下省檢正楊經太府卿四川總領

湖北轉運副使張抑太府少卿湖廣總
領

勅具官某等國家東巡吳會宿兵楚蜀示天下以刑

勢給餉之任必選王人居之爾經奮身西南老成詳
練樞屬宰掾裨助為多問以蜀事了辯如嚮曾是用使爾
于蜀爾抑起自故家見聞殫洽屢持使節所至可紀
荆湖風土尤詳諳歷是用使爾于楚之寵以外府長二
之任將命以行爾二人皆儒士其有以適緩急之宜
無之與無病民使上下百城不擾而無足相安而有
恃則朕之顧憂可寬矣可

新知湖州木待問改知婺州

勅具官某浙河以西吳與焉輔藩浙河以東婺女為
名郡視邦選侯委任惟均爾少為舉首聲振東南
浚吾春官徧歷察察宋念投閑之既久命起家而作牧

引嫌自列易地為宜是行也非惟不使汝遠去畿甸
苟盡心焉課最易聞公論自此而定則朕之眷汝人
無間言矣可

宣教郎史彌廓係秀王孫女夫轉一官

勅具官某爾以師臣之子娶秀郎之孫不習貴驕能
勉家孝為恩爾室遂進以官往其欽承益務修進可
朝奉郎給事中黃裳朝散大夫權工部侍郎

郎謝深甫磨勘轉官

勅嚴吏銓之課所以示百僚之公優法泛之聯猶不忘
三載之考具官某再登朝著亟上禁途朱郎橫經
父籍講磨之益瑣闡批勅尤高論駁之風

謝深甫云朝奉郎朝奉郎

輔政
清文資於彈壓二卿任重允賴於論思茲以年勞應于治典爰
陟文階之寺宴陞官薄之華其服恩崇尚殫猷告
可

張允中該修 玉牒循浚事郎

勅具官某 慈皇寶牒之成一代之鉅典也爾為胥
吏與有勤勞既登仕版并進二階可

知秀州趙克夫改知湖州

勅具官某爾守臨汀政最徹聞擢之嘉興允號辦治
理財則不擾而集御史則不惡而嚴民甚安之湖在
近輔最劇就以畀汝近歲皇族人才輩出爾宜在政
事之稱益勉所長為諸郡率朕將有以表異之可

太李正顏榘知常州無錫縣吳獵潭州教

授項安世召試並除祕書省正字

勅具官某等國家開館閣以待天下士若必循次而
進非所以示招賢之廣也博采公言取以數路爾榘
由舍法官李省爾獵方宰壯縣爾安世客授湖南一
聞其賢俱命給札前此殆未有也指陳時務蔚然可
稱登之冊府遂列英躋豈惟養有用之才抑以馬多
士之勸庶幾嚴宄之責亦將樂從吾游焉可

戶部員外郎趙謚陸郎中

勅具官某近歲郎選日重非外庸之著不在此選非
資歷之深猶置員外爾以名臣之孫更踐蘭省積其

吏考就正厥名官薄寢高益思加勉可

蘓大任大李正

勅具官某眉山蘓氏文獻相望爾雖派別以李自奮
朕覽薦膺召實李館得天下英才而教育之何樂如
此益勤教事勉繼前良可

趙不遯知西外宗正事

勅具官某國家宗支日盛散處郡國而溫陵長樂猶
循南西二京之舊各有司存以爾行尊而性淑奮由
儒科練達政事往其主盟糾合吾族撫摩孤弱而使
之得所教獎孝秀以率其不良振振麟趾之風庶有
望焉可

江東提舉黃黼戶部郎中

勅具官某聚天下賢士列之朝行必更外庸而後收
用非惟欲重郎選亦以詳試人才亨途由是而之焉不
輕畀也以爾馳聲膠庠資敏而練世故使行江左得部
刺史之体召對便朝嘉其忠蓋右曹動聞民事號為劇
煩往既乃心以副選擢之意可

煥章閣李士知襄陽府張杓徽猷閣李士

知建康府

勅憑熊軾於上游資填撫之畧畀麟符於重地尤
藉保釐之方是為留籥之司增峻實儲之職具官某
性資閎敏智識縱橫樂父老之賢源流有自登侍從

之選揚歷已深遇事敢言詞鋒甚厲臨機輒斷才力
有余輒自文昌出當方面果肅清於邊徼務宣暢於
王靈矧是秣陵實惟江左石城鍾阜六朝之風績猶存
大纛高牙先正之威名未遠俾居連帥益振家声想具
有於成謨顧何煩於多訓可

顯謨閣待制知江陵府章森煥章閣直李

士知吳元府

勅荆楚奧區無若江陵之重巴蜀外敵實賴漢川之
雄我有侍臣更此名鎮峻增延閣之職用寵元戎之
行具官某稟氣中和受材宏遠蚤被知於慈宸亟登
任於禁途司留蓋於陪都既騰善最建高牙於南郡久

殿上游眷炎劉始封之邦為元德必爭之地雲屯萬
竈虎視三秦誦武侯出師之章諒其素志審漢將登
場之策勉乃壯圖毋有遐心往祇成命可

王簡知江陵府

勅運魁柄於西樞嘗贊帷中之畫開師藩於南紀茲
分閭外之權惟任舊人式孚群聽具官某器資雙挺
智識開通世傳許國之忠躬負濟時之畧明目張膽
在朝廷無事不言聚精會神故君臣不膠而固輔予
初改正位本兵機謀足以折千里之衝文武足以為
萬邦之憲退安祠館寔閱歲華蜀道登天之難曲
從私請荆州用武之要勉為朕行諒無俟駕之淹

倚聞洗印之報噫比周家之分陝充屬宗工據天塹
之上游是為重鎮尚體規恢之志豈惟填拊之圖可

知具元府字文价知襄陽府

勅唐制以山南分東西二道西則漢中為巴蜀之捍
敵東則襄陽為荆郢之北門以是俱號重鎮而控扼
之要於今尤切謀師其可輕乎具官某以李奮身世
有名德 壽皇眷知擢實華近遂居文昌八座之
選出鎮漢中于今五年撫安軍民帖帖無事襄陽易
地委任惟均方時小康邊鄙不聳輕裘緩帶折衝樽
俎以追羊祜之遺風不亦善乎可

錢象祖吏部員外郎

勅具官某吏部之司七而右選最為劇曹涉筆終朝
猶恐不逮非夫精敏詳練之士不足以察吏姦而澄
弊源也爾明習吏事飾以儒雅分符持節民庸茂焉
為郎未幾銜恤而歸不俟造朝亟加選用靜以制動
要以御詳汝知之矣尚其勉哉可

將作監主簿李大異司農寺丞軍器監

主簿曾三聘太府寺丞

勅具官某寺大農外府分領食貨之重各設之丞以
贊其長非才不授也爾大異彊記洽聞處事有條爾
三聘篤孝厲操持論不苟簿正兩監退然安之並
進厥官各任以事以才自覓令其時矣可

秦煇知嚴州

勅具官某爾生長大家少而穎悟力學進德譽
者交口古拔之政無媿循良嚴陵爲 高宗潛
潘密通行闕選而用汝詳試其才益撫吾民以
稱朕意可

吳宗旦知舒州

勅具官某龍舒在淮右爲名郡士大夫以剖符爲
樂而朝廷必選才而後授之爾以孝自奮明練憲
章法家者流自以爲不及也律身範俗清裁可紀
家食寢又精力未憊往居專城綏靖淮服列卿之
舊朕豈汝忘可

樵貨務監官修武郎陳仲堅董淵孫侁

收跡增羨各轉一官

勅具官某寺摘山鬻南海之利樵之以佐用度其數實
廣爾寺協心奉法歲有贏貲何愛一官以勸來者可
新江西運副錢端忠改江東運副

勅具官某爾以王人給餉江淮才諳著稱俾之將漕
需次已久持節有行小疾來諭尤見廉靖爲爾
易地以遂其私輔養精神庸俟器使可

幹辦審計司劉三傑將作監主簿王恬

軍器監主簿

勅具官某寺爾寺在太李流名流試劇邑爲良吏

以薦入朝歲月當遷分命以勾稽之職而處三傑於
大匠恬於戎監職清而務簡益養賢望以俟甄拔可

江西路轉運判官林湜吏部郎官

勅具官某尚書郎為當今妙選朝行雖有名士必更
外庸而後授之爾嘗我多冠凜有風采按刑荆東
將漕江右又攝帥閩所至有稱賜環而趨敷奏詳
雅資望高矣然猶慮處之小選所以重銓綜之任也
其究乃心以贊而長可

攻媿先生文集卷第二十四

攻媿先生文集卷第二十五

四明樓

鑰大防

外制

國子司業彭椿年除祭酒

勅具官某祭酒尊者之稱也荀卿在齊最為老師
益三為之後世遂以名胃監之長非夫儒先哲美德
齒俱尊者豈輕畀哉爾蚤以文行表于諸生歷官
朝行好禮不變擢居小司成士論文矣厭服為國奉
師無以易汝往哉惟不言而躬行使人益觀感於規
矩之餘則首善之風振矣可

樞密院檢詳李祥國子司業

勅具官某成均教事師道貴尊近歲雖長貳不並
除而為士擇師不應以此為拘也爾馳譽膠庠見
謂前輩文孝行誼久服衆心諒直簡嚴不移素守
郎潛以來藹有師儒之望茲庸命以少司成之職
追还古風變而至道予以副朕作成之意尚勉之哉
可

左司諫胡瑒司農少卿

勅具官某朕之用人謹守成憲惟爾之用獨異它人
始以編摩見于便朝奏對詳雅朕心嚮焉擢典中祕
遂居六察居無幾何徑登諫垣期月之間屢獻忠
讜引嫌自列執義不回俾貳大農豈朕初志往祇乃事庸

俟甄升可

同知樞密院事趙汝愚初除封贈

曾祖東頭供奉官士憲贈太子少保

勅國家親睦九族本支蕃衍侯王使相寵祿相望然
雖在迥屬無子孫贈典之文惟爾孫曾進秉事樞運
榮之恩上及三世有宋以來實自汝始豈不榮哉具
官某曾出 熙陵慶綿漢郊生長承平之日涵濡信
厚之風不顯其躬以壽于後本兵之任我得宗英推
迹本原寵之官保密章之渥貴爾九京可

曾祖母龔氏贈高平郡夫人

勅士大夫遭時遇主致身兩地必有慶源之自仍多

內助之先矧在吾宗可無異渥具封某婉孌之質出
閑之度克相夫子寔大其家孫又生子起為公輔既
錫曾門之寵併推婦爵之崇惟沁水之名邦實河東
之沃壤以示廟祀之寵以增屬籍之光可

祖贈秉義郎不來太子少傅

勅唐之宗室大用者九人而李造之為稱首造榮乃
祖褒冊典物焜照都邑行道咨嘆著于史牒今爾之
寵視古過之其官某稟資甚賢為善知樂雖事功
不見於世而隱行實旌於天是生聞孫首致樞近既
嘗逮事當撥所元用推黃壤之恩爰授青宮之傅三
錫之命尚其未央可

祖母太孺人晁氏贈威寧郡夫人

勅惟晁氏世有名士在濟北號稱華宗女教既嚴壺
彝可紀矧來歸於天族乃深篤於義方宜有後人先
顯先世具封某結縵之訓益自家傳未蘋之儀實
遵禮度相夫以道躬德曜齊眉之勤有子甚仁謹仲
由負未之養三遷之教燕及元孫一命之榮昨之
大邵是為揚報尚服殊恩可

父贈太中大夫善應太子少師

勅躬行之實莫著於隱微天報之昭殆同於影響苟
能用一日之力何必活千人而具惟深仁厚誼有以
過絕於人則陰功隱德終當暴白於世具官某生

長富貴遭罹險艱菽水僅充而事親有卧冰躍鯉之
孝伏臘未給而於人有解衣推食之仁片言可質於
神明一飯不忘於君父教忠之訓既著於生前篤
行之名遂彰於身後朕方命爾元子貳吾西樞察其
許國之忠想見過庭之孝寵之師範冠彼儲僚豈惟
禰廟之是崇抑亦宗盟之未有尚其英爽式謹歆承
可

母淑人李氏贈安化郡夫人

勅朕頭登樞筦既以崇趙氏之桃如賁函原其可
忘孟母之訓具封某生自名闕疑于賢宗秉志靜
專與少文而協趣處家約素為彭澤以忘貧一門

相勉以孝慈變世俱傳於清白事有賢子為予輔
臣爰聞順化之封用示追榮之寵毋重杯圈之感
庶寬霜露之思可

妻淑人徐氏贈鄱陽郡夫人

勅朕並用親賢延登宥密雖曰家傳之懿如麟趾
信厚之風亦惟閭助之良有鷄鳴鷲戒之道宜與偕
老胡不永年用加寵榮以賁真漢具封某天資柔淑
婦德慈祥冊府道山才及見夫子英游之際副筭翟
弗傷不逮小君命服之榮独惟南渡以未久寓楚東
之近始封此郡尚慰爾虛可

勅具官某爾起書生有志當世頃由名曹出鎮淮右
孳孳邊備論奏相踵易帥變子民夷帖服事有當
辯不已于言可謂守公忘私者矣大江之西漕事為重
引以漸近朕意可知順流而歸祇率厥職可

江西提刑劉光祖知夔州

勅具官某夔子之國介於楚蜀之間山川險固民夷
雜糅謀帥之重必惟通才爾正色立朝號稱敢言出
擁使輅威望日隆既授以江右之節矣尚茲家食非
以優賢分閫之容易以命汝亟其洗印以安遠民可
知昭州莊方知瓊州

為引重大編獻琛類以為懸麾符不輕畀也爾進由
儒科練達吏事貳郡賓水承流昭潭必能習知南海
之俗往其輯寧甯業勞撫賈胡以稱朕選侯之意可
軍器少監章穎左司諫

勅具官某古者箴規之求下逮工瞽矧位于朝孰
不進言以諫名官視古已狹選用之際其可不嚴爾
蚤以倫魁寔登華序清標直節照映周行約吏東觀
橫經朱邱端靖無華物自宗之擢居諫垣允協時望
山南補衣賤之闕孟子格君心之非尚惟勉旃以伸
素蘊可

將作少監黃艾右正言

勅具官某諫省設官備矣大夫而下幾於古多臣之
目比方並建遺補俱以引嫌而去妙選時多乃今得之
爾抱負不凡李馬有用言簡氣勁宜備諫列較自
王師命以拾遺爾其振厲風采別自是非引經據古
以依朕之不逮將虛己以聽焉可

資正殿李士正奉大夫蕭燧轉一官致仕
勅朕曠言故老方深仄席之思遽覽封章乃有垂
車之請勉從所志殊唏予懷具官某洪毅而裕和
閑深而肅括擢儒科於紹興之際登朝蹟於乾
道之初自結主知蓋正人無待於助又司言責使天
下想聞其風編儀論思獻納之班遂參輔贊彌縫

之用粵後去國亦既累年卧疾清漳興鄰下文人
之詠掛冠神武慕山中宰相之高爰序進於崇階
以曲全於晚節噫漢疏知止既永謝於軒裳蕭傳
素剛尚勉親於藥石可

蕭燧贈金紫光祿大夫

勅舊弼退休方徇辭榮之懇奏亟踵至驚聞垂絕
之言撫往事之慨然愴吉人之已矣具官某名高一
代仕歷三朝官以諫為名負得爭臣之体右非賢
罔又俾參駁殿之尊雖為故里之懸尚佇壯猷之
告云何屬疾亟願乞身載覽遺章尚想伏蒲之
氣優加卹典以章告弟之恩庸寄予悲務昌厥

後噫求馬周儀形之見遂隔九京歌晉公柱石之哀
重贈一涕可

知建康府余端禮吏部尚書

勅朝列選曹妙簡持衡之任位登常伯尤高荷索
之班茲得名臣式符時望具官某面承資洪毅履行
精純茲表結知蚤與甘泉之侍儲闈列屬久陪少海
之游頃出鎮於雄藩實典司於留籥既聞報政亟
命還朝矧惟十載以未屢歷三銓之劇士論夙推於
平允吏行素憚其嚴明乃於書接之餘寵以天官之
舊老成復進豈惟躬簿書期會之煩忠蹇自將正有賴
朝夕論思之益其祗成渙用副虛懷可

湖北提舉張孝曾夔路提刑

勅具官某夔子一道視四川為差近而山川深險雜以
夷蠻民物凋陋困於征取典刑之使選用不輕爾出自
名家敏於吏事持節湖外歛散以時往按蜀門布宣德
意使深山窮谷舉無冤民則庶乎以取笑可

右正言何異湖南運判

勅具官某朕監觀四方志不忘遠寄耳目於部使
者猶恐不逮故間遣諫官御史以臨之爾自登朝行
雅有清望頃因奏對擢居憲臺升之宰臣之列方有
賴於規益矧嫺求外授郎湖湘典司將輸光華輝然
夫以我薦伏蒲之風抗攬轡登車之志揚清激濁在

此行矣有猷必告毋有遐心可

四川制置使京鏗權刑部尚書

勅朕體列聖寬仁之訓務謹刑章求一時忠厚之臣俾居司寇之虛此位今得其人具官某器度恢洪才猷挺特蚤結慈宸之眷亟登要路之津脩聘殊鄰壯蘇武持旄之節開藩全蜀慨王尊叱馭之行百城咸服其恩威四載備聞於勞烈爰示賜環之寵俾陞聽履之班錫以替書付之臬事罔兼庶獄朕方推文王敬忌之心明用五刑爾其慕臯陶邁種之德尚殫辰告以副予知可

祕閣脩撰知紹興府趙不流賊事修舉除

集英殿修撰

勅懷會稽之章又煩填撫報齊邦之政可後褒嘉具官某分派天潢服休仕路頃由淮甸來任飛芻輓粟之司旋尹京都遂登簪筆持橐之選起臨輔郡就擢帥垣迨茲期年知賊務之時舉去此一水亦譽言之日聞乃諭柄臣俾陞寓取以至書示勉厲之意毋曰彛章使田里亡愁嘆之心尚圖來効可

梁季珍知光州

勅具官某爾父在紹興間以才敏致位文昌其後未有至二千石者爾守上饒政務簡靜銜恤而去未究賊荼浮光易治地則被邊舉以命汝委寄爲重尚其

勉之母忝前人可

李沐吏部郎官

勅具官某爾以舊李大臣之子自奮山魏科寔登臚仕出使閩浙有志於民為養求歸嘉其進退晉接之頃勉以名曹親庭無信宿之選選部乃攝承之舊往祇厥職無復固辭可

新知吳元府章森改知瀘州

勅開藩蜀部曾洗印之未聞易鎮邊陲又改轅而于邁惟首公之有素諒承命而遂行具官某知略該通才猷挺特進儀禁路入陪約尾之嚴擢殿番都出擁麟符之重由上流之奏課畀西道以折衝十年而守

漢中田叔固宜於文任五月而渡瀘水武侯豈憚於避征矧群情安集之初籍元帥撫綏之力推君子之心置小人之腹能坦然而不疑脫慈母之懷立嚴師之傍當翕爾而自定亟祇成渙用寬顧憂可

知福州鄭僑知建康府

勅開帥藩於閩嶠曾未彌年司留箠於秦淮茲為易鎮渴想儀刑之見亟令郵置之傳具官某執德不固秉心無執論議遠追於是董文章高軋於漢周正色立朝尤推批勅之手至公典選允藉持衡之權是蓋頒春出臨千里錦衣行畫就撫三山欲改畀於麟符仍從馳於駟騎朝受命夕引道諒無憚於暑行退補過進及中

正有資於是晨告入奉慶登之對徐為分圖之行惟我
舊臣服茲休命可

廣東提刑李信甫江東提刑

勅具官某爾為御史直道而行出守信安旋使南嶠
有聲績可紀矧錄囚於嶺海煙瘴之地不憚深遠勞亦
甚矣抗章求閑未應捨汝其典自事于大江之東少
休馳驅而後攬轡以行亦惟休哉可

太府卿辛弃疾集英殿脩撰知福州

勅具官某七閩奧區三山為一都會地大物阜甲于
東南負山並海綿亘數千里舉聽命於天府連帥
之選豈云易哉爾以軼群之才蚤著事功壽皇三

昇大藩寵以論議之華于今幾二十年召對便朝擢
長外府益平豪爽之氣而見溫粹之容朕心嘉焉比
居外臺讞議從厚閩人戶知之陞之集賢增重闡寄
往其為朕布宣德意撫吾赤子以寬一面之顧憂朕豈汝
忘哉可

著作郎黃由軍器少監

勅具官某著庭之選最為清高矧爾以倫魁之英蹇謬
之氣周旋三館于茲有年徑上要津無不可者然朝廷序
進人物不厭於詳薦紳綿歷事任不以遲速計也進二
戎監仍攝劇曹益養資望以俟器使可

司農卿沈揆權吏部侍郎

劫古有六官孰有天官之重部分四選無如武選之煩茲擇貳卿宜求吉士具官某高文瞻麗古學精深自登周行雅有清望凡一時華要之選以累載周旋其間壁水道山為諸儒之領袖諸察詞掖振六藝之英華屢垂上於禁途復優聞於郡課蔽自朕志召長大農寵之荷橐之聯畀以典銓之寄惟公可以守成憲惟明可以察衆欺倚聞稱取之名用助官人之道可

新知襄陽府字文价改知遂寧府

劫朕惟今日謀帥之難深以數易為戒卿有大邦遺愛之舊無嫌改命之煩具官某字有家聲才為世用奮身西蜀膺 慈皇特達之知累歲中朝歷

儒者清華之選佩印屢更於劍外分符最久於漢中峴首名藩方尋羊叔子之迹遂寧舊治更喜郭細侯之未諒去思之未忘宜外庸之益著往祇成渙嗣有寵光可

知遂寧府單夔知建寧府

劫遠臨蜀部念頻年跋履之勞易鎮閩邦示鄉國旋歸之寵具官某受才通敏莅政精明繇廷尉之平蚤被茲宸之眷擢侍臣之列最居群彥之先祠庭宴閱於十年帥閩推開於三峽旋更會府深著外庸仍次對之舊班昇建安之新組山川伊邇諒少慰於遐心民社匪輕方有資於善政惟時舊德服我茂恩可

張孝伯司農寺主簿

勅具官某爾以孝自奮吏治有有聞三人朝行閱歲
滋久凡爾等夷騰上多矣退然靖共物論題之茲以
序遷句稽農扈尚共乃事以就器業可

知廣德軍林孝友大理寺丞

勅具官某列寺皆有丞惟廷尉之屬其選為尤重必
求通儒以治度獄以試之効吾其捨諸爾頃居是官
見謂稱取出守桐川又以最聞茲還舊班進用無廢惟
明亮允以副朕好生之意可

中奉大夫知襄州府張杓太中大夫知建

寧府陳居仁磨勘轉官

勅夙嚴銓法所以示百僚之公優侍從臣猶不忘三
載之巧具官某神機敏悟器度闊深禁路升華久聽星
辰之履帥藩因任蓋得江漢之心陳居仁云性資美曠冬間潘該獲
推得深醇之休南却其建是明官猛之宜茲以年勞應于治典爰陟文階之等益增侯服之光思稱恩
崇尚殫敵告可

中奉大夫吏部侍郎沈揆磨勘轉官

勅制祿以官式序百僚之進在法當從乃登四品之
崇具官某儒孝老成文華高勝儲案有執經之舊詞
臣推為誥之工屢結綬於朝行幾問津於禁路攝承民
部更一紀而有餘積累年勞雖九遷而未艾茲擢天官
之貳始伸銓格之優太中不易公卿庸表褒遷之渥

大夫既掌論議益思獻納之忠可

新除兵部侍郎黃裳頭議閣待制依舊

嘉王府翊善

勅朕惟國朝謹教子之法王府建翊善之官在太宗
務選於正人惟姚坦最稱於直士自時厥後何代無賢我
有論思之臣俾專輔導之任其官某以天下士後吾兒
游自典秘書已參講席雖履歷墳闡之貴曾不離朱邢
之僚誦典謨百篇之書既得坦明之制正春秋一王之法
尤多深切之言力辭武部二卿之除俾就文謨次對之秩
予以究遺經之終始于以示朕意之眷昔尚服訓詞
益殫猷告可

成忠郎邕州橫山寨招馬官黃世明轉兩官

勅具官某戎馬之須多自南徼爾招誘尽力累賞日
厚併陞二秩以旌其勞可

勅賜進士及第陳亮承事郎簽書建康

軍節度判官廳公事

勅具官某三歲大比人徒知為布衣進身之途藝祖
皇帝有言曰國家設科取士本欲求賢以共治天下大哉
王言朕所當取法也廷策者再乃始得汝爾蚤文藝首
賢能之書旋以論奏勤慈宸之聽親閱大對嘉其辨
源擢實舉首殆留以遺朕也尚循故事往佐帥幕益
懋遠業以須登用可

集英殿修撰耿秉權兵部侍郎

勅長才被選當推之侍後之聯末疾自言閔勞以官
取之事巧閑寢久簡記不忘既加晝接之餘復昇夏
官之貳具官某稟資端亮厲操堅剛篤志愛民雖
細故必加遠慮推誠致主無一事不以上聞屢布藩條
率騰善最甫登禁路俄領外祠乃俾賜環一再趨文石之
陞亟令持橐徑趨武部之班益勵壯猶以谷隆眷可

皇叔祖少保士峴贈少師

勅屬近行尊富貴既無於危溢年高德邵一死生宜備
於哀榮具官某迪德忱恂夙心夷曠分輝帝籍雖坐致
於顯黜席慶王門曾不形於驕吝磊砢維城之望雍容

鳴玉之班奉香火於內祠尤謂三朝之舊建節旌於輔
郡更居亞保之尊胡不百年困於一疾驚奉章之上達
愴遺老之幾何輟九陛之視朝冠三孤而錫命噫高爵
厚祿既以見於生前卹典優恩顧可忘於身後尚惟英
爽歆我寤寐靈可

武德大夫鄂州都統制張詔軍政脩舉轉

一官

勅具官某國家分屯重兵列戍江許申飾將帥務嚴
紀律爾居鄂渚實當上游緩帶輕裘如一儒生而氣稟
山西沉鷲善斷軍政脩整徹如朕聞何處一官以示表
勸益勵戎昭用勳爾功可

直祕閣京西運判朱晞顏直煥章閣知

靜江府

勅具官某桂林為嶺右都倉控制最遠帥閩文虛掄
擇尤遴惟爾儒雅醇明練達世故益嘗為部使者夫
當鹽筴蠱弊之後協心扶持民懷其惠輟京西飛輓
之重還撫南方增堯章寓直之名用為爾龐內安毗
俗外戢蠶蠶人心知向條教易字予自以為得人爾其有
以稱此哉可

廣西運判方崧卿京西運判提舉張金廣

西運判

勅具官某等嶺右分百越之半漕計匪輕京西總三司

之繁事權尤重爾崧卿儒雅飾吏廉按有稱是用易
以襄漢之節爾金清白傳家欽散惟謹是用圖爾桂
林之居道里畧同委寄無異飛芻輓粟既資辦治
之才攬轡登車益抗澄清之志爾惟自勉朕不汝忘可
太常丞李謙浙東提舉

勅具官某部使者任常平之寄一道之休戚繫焉朕
固不以輕畀而况於近畿乎爾篤志於孝力行其言
弦歌之政見於已試憂國之心形於辭色輟後朝行畀
以使即早滂之餘歲事未知周爰咨詢先事而圖浙
河以東汝其任是責哉可

知寧國府蔣繼周知太平府

勅偃藩巨屏正資共理之良易鎮鄰邦允藉上流
之重惟時宿望聽我訓辭具官某經術黝明材猷挺
特歷居言路凜乎中執法之威屢剖郡符翕爾東諸侯
之最念千里相安之義為三年報政之期乃賸當塗猶
烏重地民風淳靜素稱道院於江東訟牒簡稀真是太
平之官府吏煩舊德為撫吾民矧擊析之相聞亟驅
車而及境双溪疊障難伸願借之私五馬一駟又得宦
游之樂其因詳試遂訖外庸可

本待問知寧國府

勅具官某朕念儲闈察察之舊罔匪及一時之選
既已延登四人為予宰輔其在外里居者亦未嘗忘也

爾事朕有素家食累年起為二千石以示舊恩相攸
久之茲為始定宛陵為江左名郡以 壽皇潛藩
地望尤崇爾其往為朕撫字吾民為志賑卹以銷愁
恨歎息之心豈惟有以副選侯之意爾亦將由是而
進焉可

成都提刑楊王休本路運判知閬州續耆

成都路提刑

勅具官某等朕臨御萬方寄耳目於部使者地愈遠
則任愈重蜀道萬里成都奧區其選又可知矣爾
王休移自潼川方祇臬事易以漕節就按本道爾耆
自守閬風頗著能稱俾乘憲車以表列城使民之

利病徹于朕聞而朕之德意布于遐徼揚清激濁
威凌蕪本則為稱取失可

知常州陳謙湖北提本

勅具官某為常平而置使專以惠民選名士以秉軔
示不忘遠爾服勤儒術抗志事功頃居編摩已著才
望甫試煩劇優有治声往行重湖之區典司義廩之
政質迂嚮海之利務在通商緩靖摘山之伎毋致生事
佇觀成績嗣有寵章可

吏部員外郎雷涿直煥章閣知平江府

勅具官某姑蘓古郡號稱吳門密輔行都最為重
鎮地大物阜訟許實繫衣冠之集應酬不暇非寬博

彊敏之士其何以居師帥之任乎爾以辨劇之才飾以
儒雅嘗以一邑之長膺千里之寄又以十連之帥撫五
羊之民石對便朝即潛選部念未足以究爾之能也
視邦選侯為朕一行加以亮章之取用為臨遣之寵倚
聞異政以稱所羨可

章森依舊知吳元府

勅國家謀帥豈命令之可移臣子徇公亦東西而
惟命聞因有為未免從宜具官某文有古風神無
滯用以禁路論思之舊為藩方師帥之良建鄰留
都允籍保釐之畧江陵巨屏又煩填撫之威惟此吳元抗
于蜀道念開藩之未及又易鎮以有行不如舊貫之仍

毋庸新尹之告漢中地重百有餘里之書南國教明當
息犀牙之訟尚圖茂渥以谷頭庸可

吳恕知瀘州

勅禁路通班父遂燕聞之適藩方謀帥允資撫御之
良方起家而臨民諒聞命而引道具官某由出勳
門而被服儒雅世傳戎韜而深涉藝文澤芴影綬
舊為儀於朝列擁摩持郎屢官力於坤為眷此瀘
川控彼南徼民生繁阜當勞來安集之餘軍律申
明嚴坐作進退之即正賴中和之政往宣寬大之
書西平王之在唐固多賢子諸葛武侯之仕漢自
有美聲益振爾家爾國五言可

知太平州葉翥知婺州

勅聽履而上星晨緬懷舊德把麾而去江海又著外
庸錫以明倫死之輔郡具官某性寬而有制道廣而
能周為天子之後臣最先衆後主國家之大計殆過
十年謀謨備密於忠嘉若仕已不形於喜愠乃曉文
昌之老伴為寶發之區姑熟最聞未及錫金之
寵枯蒼地近何殊衣繡之榮倚觀中和樂取之詩
益表平易近民之政其祇隆眷嗣有優息可

劉侯廣東提舉

於具官某朕嗣服之初首下寬大之詔俾部使者
分察屬郡務宜見民力爾守岳陽推誠奉行凡加

賦橫歛之病吾民者悉加蠲除幾去歲額之半
薦章交上朕甚嘉之嶺海去朝廷遠界一節專
欽散之權推岳陽之意而行之遐俾其息肩可

攻媿先生文集卷第二十五

